

Detektif Serangga (Tadika 1 Buku Besar 11 'Lihat Itu!')

Gambaran Keseluruhan:

Memberikan peluang kepada kanak-kanak untuk melukis idea yang telah dipelajari oleh mereka.

Matlamat Pembelajaran:

1. mempunyai minat untuk mempelajari Bahasa Melayu
2. membina kemahiran asas bahasa dan literasi

Objektif Pengajaran:

Kanak-kanak akan berpeluang untuk:

1. menyertai kegiatan Bahasa Melayu secara aktif
2. membuat tanda, melukis simbol dan menulis abjad atau aksara untuk melambangkan idea

*Aktiviti Induksi

Guru:

- *menyiapkan beberapa serangga mainan dan menyembunyikan mainan-mainan tersebut di sekeliling kelas*
- *meminta kanak-kanak mencari serangga-serangga mainan yang telah disembunyikan*
- *mengajak kanak-kanak duduk dalam bulatan setelah selesai mencari mainan*
- *menggalakkan kanak-kanak menyebut serangga-serangga mainan yang dijumpai*
- *mengajak kanak-kanak berbincang tentang ciri-ciri serangga*
- *mengajak kanak-kanak ke taman sekolah dengan kanta pembesar untuk mencari serangga*



**Guru memulakan aktiviti pramenulis setelah menjalankan aktiviti induksi.*



Kanak-kanak duduk dalam bulatan dan berbincang.

#1 Melukis perkara yang telah dipelajari


- Guru memberi sekeping kertas A4 kepada setiap kanak-kanak.
- Guru meminta kanak-kanak melukis satu serangga yang dijumpai di taman.



Kanak-kanak melukis serangga yang dijumpai di taman.

#2 Bercerita berdasarkan gambar yang dilukis

- Guru mengajak kanak-kanak bercerita tentang gambar yang dilukis dengan menggunakan ayat-ayat mudah.



Kanak-kanak bercerita tentang gambar yang telah dilukis.

#3 Mencatatkan perkataan atau frasa berdasarkan perkongsian kanak-kanak

- Guru menuliskan satu perkataan atau frasa berdasarkan perkongsian kanak-kanak di papan tulis.
- Guru meminta kanak-kanak menyalin perkataan atau frasa tersebut.

*Tadika 1- Kanak-kanak tidak perlu menyalin perkataan atau frasa yang ditulis oleh guru.

*Tadika 2- Kanak-kanak mula menyalin perkataan atau frasa yang ditulis oleh guru.

